



Vogošća, ul. Jošanička, br. 80; tel: 00387 33 586 413, fax: 586 444

Broj: 07-11-437/26  
Vogošća, 24.04.2026. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 24.04.2026. godine donio je

**ODLUKU**  
**O IZBORU NAJPOVOLJNIJEG PONUĐAČA ZA NABAVKU USLUGE OBAVLJANJA**  
**STRUČNOG NADZORA NAD IZVOĐENJEM RADOVA NA REDOVNOM ODRŽAVANJU**  
**LOKALNIH I NEKATEGORISANIH PUTEVA, PJEŠAČKIH STAZA, TRGOVA, PLATO A I**  
**PARKING NA PODRUČJU OPĆINE VOGOŠĆA (PREMA POTPISANOM OKVIRNOM**  
**SPORAZUMU BROJ: 07-11-1183/25 OD 20.08.2025. GODINE)**

**Član 1.**

Ponuda ponuđača Institut za građevinarstvo "IG" d.o.o. Banja Luka, ulica Kralja Petra I Karađorđevića br. 92-96, Banja Luka, odabrana je za nabavku usluge obavljanja stručnog nadzora nad izvođenjem radova na redovnom održavanju lokalnih i nekategorisanih puteva, pješačkih staza, trgova, platoa i parking na području općine Vogošća (prema potpisanom Okvirnom sporazumu broj: 07-11-1183/25 od 20.08.2025. godine), kao prvoplasirana na Rang listi, sa ponuđenom ukupnom cijenom nabavke u iznosu od 6.500,00 KM bez uračunatog PDV-a, odnosno 7.605,00 KM sa uračunatim PDV-om.

**Član 2.**

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 08.04.2026. godine donio Odluku o pokretanju Konkurentskog zahtjeva za dostavu ponuda za nabavku usluge obavljanja stručnog nadzora nad izvođenjem radova na redovnom održavanju lokalnih i nekategorisanih puteva, pješačkih staza, trgova, platoa i parking na području općine Vogošća (prema potpisanom Okvirnom sporazumu broj: 07-11-1183/25 od 20.08.2025. godine), zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 09.04.2026. godine pod brojem: 1353-7-2-79-3-78/26.

Tendersku dokumentaciju sa Portala javnih nabavki BiH je preuzelo 19 (devetnaest) ponuđača. Krajnji rok za dostavu ponuda bio je 20.04.2026. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 20.04.2026. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-437/26 iz aprila 2026.

godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 5 (pet) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Ipsa-Institut" d.o.o. Sarajevo	8.856,00	/	/	10.361,52
2	"Radis" d.o.o. Istočno Sarajevo	6.900,00	/	/	8.073,00
3	"Arting BH" d.o.o. Sarajevo	8.856,00	/	/	10.361,52
4	Institut za građevinarstvo "IG" d.o.o. Banja Luka	6.500,00	/	/	7.605,00
5	"Smajić-Inženjering" d.o.o. Goražde	5.700,00	4%	5.472,00	6.402,24

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača „Radis“ d.o.o. Istočno Sarajevo nije u skladu sa Tenderskom dokumentacijom, jer stranice u ponudi ne prate slijed. Naime, u Ponudi ponuđača nakon stranice označene rednim brojem 28. slijede stranice 31., 32., 33., 34. pa zatim stranica 30., pa zatim 29., a onda nastavlja niz od stranice 35. do stranice 56.

Tačkom 8.4.1. tenderske dokumentacije propisano je: „Sve strane ponude moraju biti numerisane na način da je vidljiv redni broj stranice ili lista, u skladu sa članom 8. stav (6) i (7) Uputstva za pripremu modela tenderske dokumentacije i ponuda“.

Ponuda ponuđača „Radis“ d.o.o. Istočno Sarajevo je ocijenjena kao nepravilna jer stranice u ponudi ne prate slijed. Naime, stranice broj. 29. i 30. koje se odnose na ispunjenje uslova iz tačke 7.4.2. b) Tenderske dokumentacije umetnute su u dokument izdat od strane Poreske uprave Istočno Sarajevo.

Zbog prethodno navedenog, a u skladu sa odredbom člana 2. stav I alineja 3 i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda je nepravilna i kao takva nije prihvatljiva za ugovorni organ.

Ponuda ponuđača „Arting BH“ d.o.o. Sarajevo nije u skladu sa Tenderskom dokumentacijom, jer Obrazac za cijenu ponude - Aneks 2 Tenderske dokumentacije nije ispravno popunjen, odnosno nisu upisane cijene.

U Obrascu za cijenu ponude – Aneks 2 Tenderske dokumentacije u Napomeni je navedneo:

1. „Cijene moraju biti izražene u KM. Za svaku stavku u ponudi mora se navesti cijena (nijedno polje u tabeli ne smije ostati nepopunjeno, čak i ako se radi o iznosu 0,00 KM).“

U ponudi ponuđača „Arting BH“ d.o.o. Sarajevo Obrazac za cijenu ponude – Aneks 2 nije popunjen u skladu sa datom napomenom, odnosno ponuđač je propustio da upiše ukupnu cijenu ponude, te su rubrike predviđene za upis cijene nepopunjene, te je ocijenjena kao nepravilna.

Zbog prethodno navedenog, a u skladu sa odredbom člana 2. stav I alineja 3 i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda je nepravilna i kao takva nije prihvatljiva za ugovorni organ.

Ponuda ponuđača „Smajić-Inženjering“ d.o.o. Goražde nije u skladu sa Tenderskom dokumentacijom jer za jedno lice VSS VII stepen-dipl ing. građevine nije dostavljen dokaz o radnom islustvu u struci.

Naime, Tenderskom dokumentacijom u tački 7.4.2. c) navedeno je:

- c) Diploma o završenoj VSS i Uvjerenje o položenom stručnom ispitu za jednog dipl ing. građevine (VII stepen) i dokaz o radnom iskustvu i radnom angažmanu, odnosno Diploma i Uvjerenje o položenom stručnom ispitu za visoko obrazovanje najmanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja građevinske struke i dokaz o radnom iskustvu i radnom angažmanu.

**Napomena I:** Dokazi koji se dostavljaju moraju biti originali ili ovjerene kopije.

**Napomena II:** Dokazi o radnom iskustvu za sve tražene osobe mogu biti Izvod iz matične evidencije uposlenih (PIO/MIO) ili Potvrde-Uvjerenja izdata od strane poslodavca.

**Napomena III:** Dokazi o radnom angažmanu za sve tražene osobe mogu biti Lista osiguranih lica iz Poreske uprave-nadležne ispostave, Ugovor o djelu ili Ugovor o poslovno tehničkoj saradnji, shodno tački 7.4.1 b).

Ponuđač je u ponudi dostavio za jedno lice dipl ing. Građevine Uvjerenje o osiguranju izdato od Porezne uprave Novi Travnik, ali taj dokument ne može biti dokaz radnog islustva, jer je Tenderskom dokumentacijom izričito navedeno da dokaz o radnom islustvu može biti **Izvod iz matične evidencije uposlenih (PIO/MIO) ili Potvrda-Uvjerenje izdato od strane poslodavca.**

Zbog prethodno navedenog, a u skladu sa odredbom člana 2. stav I alineja 2 i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda je neprihvatljiva jer ne ispunjava kriterije za kvalifikaciju privrednog subjekta.

Detaljnim postupkom pregleda i ocjene ponude, Komisija za javne nabavke je utvrdila da de ponuda ponuđača:

- "Ipsa-Institut" d.o.o. Sarajevo i

- Institut za građevinarstvo „IG“ d.o.o. Banja Luka

ispunjavaju formalno pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela pristiglih ponuda ponuđača, te je izvršena računaska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Nakon svega iznesenog, Komisija za javne nabavke je sačinila Rang listu u Konkurentskom zahtjevu za dostavu ponude za nabavku usluge obavljanja stručnog nadzora nad izvođenjem radova na redovnom održavanju lokalnih i nekategorisanih puteva, pješačkih staza, trgova, platoa

i parking na području općine Vogošća (prema potpisanom Okvirnom sporazumu broj: 07-11-1183/25 od 20.08.2025. godine) kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	Institut za građevinarstvo "IG" d.o.o. Banja Luka	6.500,00	7.605,00
2	"Ipsa-Institut" d.o.o. Sarajevo	8.856,00	10.361,52

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14, 59/22 i 50/24), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača Institut za građevinarstvo "IG" d.o.o Banja Luka, za pružanje usluge obavljanja stručnog nadzora nad izvođenjem radova na redovnom održavanju lokalnih i nekategorisanih puteva, pješačkih staza, trgova, platoa i parking na području općine Vogošća (prema potpisanom Okvirnom sporazumu broj: 07-11-1183/25 od 20.08.2025. godine), kao prvoplasiranom na Rang listi, sa ponuđenom ukupnom cijenom nabavke u iznosu od 6.500,00 KM bez uračunatog PDV-a, odnosno 7.605,00 KM sa uračunatim PDV-om.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

**Izradila:** Meliha Čolpa

---

**Kontrolisala:** Đejna Sarač

---

OPĆINSKI NAČELNIK

**Migdad Hasanović**

Dostavljeno:

1. "Ipsa-Institut" d.o.o. Sarajevo
2. "Radis" d.o.o. Istočno Sarajevo
3. "Arting BH" d.o.o. Sarajevo
4. "Institut za građevinarstvo "IG" d.o.o. Banja Luka
5. "Smajić-Inženjering" d.o.o. Goražde
6. Nadležnoj Službi
7. U dosije
8. a/a

info@ipsa-institut.com  
radis.doo@gmail.com  
artingbh@gmail.com  
info@institutig.ba  
smajicinzenjering.centrala@gmail.com

**DOSTAVLJENI AKT JE ISTOVJETAN ORIGINALU KOJI SE NALAZI U SPISU PREDMETA**